



Sokneråda i Bjørgvin

Dato: 29.10.2014

Vår ref: 14/4977 - 7 JZM (14/30321)

Dykkar ref:

Kyrkjevalet 2015 - Forslag på leke kandidatar til Bjørgvin bispedømeråd og Kyrkjemøtet

Dette brevet vert sendt til kyrkjekontora i Bjørgvin.

Vi ber mottakarane syta for at alle sokneråda får dette brevet.

Hausten 2015 skal det vera kyrkjeval. Det skal då veljast bispedømeråd for perioden 1. januar 2016 – 31. desember 2019. Bispedømerådet har 7 leke medlemer, 1 lek kyrkjeleg tilsett og 1 prest. Biskopen er i tillegg fast medlem. Sokneråda har ei viktig oppgåve i å foreslå kandidatar til bispedømerådet.

Bjørgvin bispedømeråd oppmodar sokneråda i Bjørgvin om å fremja forslag på inntil fire kandidatar kvar til leke medlemer av bispedømerådet. Frist: 15. januar 2015.

Om bispedømerådet sine oppgåver seier kyrkjelova § 23 at rådet skal ha merksemda si på alt som kan gjerast for å vekkja og gje næring til det kristelege livet i kyrkjelydane, og det skal fremja samarbeidet mellom dei enkelte sokneråda og andre lokale arbeidsgrupper i bispedømet. Medlemene i bispedømerådet utgjer også Bjørgvin sine medlemer i Kyrkjemøtet, Den norske kyrkja sitt høgste organ.

Bispedømerådet har om lag 8 møte i året. Eit verv i rådet krev evne til å setja seg inn i store og til dels kompliserte saker, god kjennskap til Den norske kyrkja og eit ønskje om å vera med å leia kyrkja. Både unge og erfarne vil ha mykje å gje i eit slikt arbeid. Dei vil få vera med på å tilsetja prestar, arbeida med strategi og økonomi, gudstenesteliv, rammer for arbeidet i sokna og kyrkjepolitiske saker. I den komande valperioden skal ny kyrkjeordning meislut ut, eventuell vigsel av likekjønna blir heilt sikkert eit tema og kyrkja skal finna ut kva det vil seia å vera kyrkje i ei ny tid, ei tid prega av endring, omstilling og eit anna tilhøve til staten enn tidlegare.

Det er *Reglar for val av bispedømeråd og Kyrkjemøtet*, fastsett av Kyrkjemøtet, som regulerer valordninga. Heile regelverket finst www.kyrkjevalet.no.

Krav til kandidatane

Soknerådet skal (evt. ved fleirtalsrøysting) fremja skriftlege framlegg på inntil fire leke kandidatar til å bli nominert til val på lekt medlem av bispedømerådet. Kandidatane de foreslår treng ikkje vera frå soknet, dei kan bu i heile bispedømet. Dei kandidatane som vert fremja, må spørjast på førehand og ha sagt ja til å vera kandidat.

«Valbar som leke medlemmer av bispedømeråd og Kyrkjemøtet er alle som har rett til å røysta ved valet, som seinast i det året det vert røysta, vil ha fylt 18 år, og som ikkje er valbar som prest eller som lek kyrkjeleg tilsett...» (Val av leke medlemmer til bispedømeråd og Kyrkjemøtet, § 2-2.)

Medlemer av nominasjonskomitéen kan ikkje stå på vallista.

Medlemer av bispedømerådet kan fremjast som kandidatar, det er ikkje lenger noko grense for kor lenge same person kan vera vald inn i bispedømerådet.

Nominasjonskomitéen for leke treng eit breitt utval av kandidatar. I følge valreglane § 2.6 skal kandidatlista på 18 namn ha med personar frå ulike distrikt. Det skal vera minst åtte personar av kvart kjønn på lista. Vidare må det vera minst fire kandidatar under 30 år. Nominasjonskomitéen bør arbeida for å få med kandidatar som dekkjer ei breidde i synet på aktuelle kyrkjelege spørsmål. Alle kandidatane vil difor få ein del aktuelle spørsmål frå valrådet. Svara på desse vil bli synlege i aviser, nettsider og kyrkjeblad, slik at veljarane får høve til å vita kven dei røystar på.

I tillegg til sokneråda, kan nominasjonskomitéen sine 10 medlemer, ein medlem frå kvart prosti, foreslå eit namn kvar. I tillegg kan ungdomsrådet i Bjørgvin fremja fire kandidatar.

Det er ikkje noko i vegen for at fleire sokneråd drøftar aktuelle kandidatar og gjer framlegg om dei same kandidatane.

Nytt ved bispedømerådsvalet i 2015 er at det blir høve til å fremja eigne lister til valet etter at nominasjonskomitéen si liste er offentleggjort 1. mars 2015. Dersom det ikkje kjem alternative lister, vil det bli høve til supplerande nominasjon av andre kandidatar enn dei som som nominasjonskomitéen har ført opp.

Slik melder de kandidatar

Av omsyn til nominasjonskomitéen sitt arbeid, bør det følgja ein liten stikkordsmessig presentasjon av kandidaten saman med ei grunngjeving på kvifor vedkomande bør bli nominert.

Gyldige framlegg på kandidatar må innehalda nødvendige opplysningar:

- Fullstendig namn, stilling, telefon og e-post.
- Fødselsdato
- Bustadsokn
- Ei grunngjeving for kvifor vedkomande bør bli nominert.

Vi ber om at sokneråda brukar skjemaet som ligg ved til å foreslå kandidatar. Pkt. 3, ”opplysningar om kandidaten”, er meint som hjelp for nominasjonskomitéen. Her har soknerådet høve til å tala varmt om sine kandidatar. Det som blir skrive her, kan bli brukt i valinformasjon seinare, så skriv slik at opplysningane kan vera offentlege.

Kandidaten vil seinare få tilsendt eit eige skjema der dei fyller inn meir detaljerte opplysningar om seg sjølv.

Framlegg til kandidatar med naudsynlege opplysningar må vera oss i hende seinast 15. januar 2015. **Vi ber om at flest mogeleg namn kjem inn i god tid før denne dato.**

Send framlegga til:

Nominasjonskomitéen for val av leke medlemmer til bispedømerådet
Bjørgvin bispedømekontor
E-post: bjoergvin.bdr@kyrkja.no

Evt. i vanleg post:
Postboks 1960 Nordnes
5817 Bergen.

Med helsing

Jan Ove Fjelltveit e.f.
stiftsdirektør

Jens Z. Meyer
seniorrådgjevar

Dokumentet er elektronisk godkjent og har difor ingen signatur.

Vedlegg: Skjema for bruk av soknerådet til framlegg på kandidat til bispedømerådet

Mottakere:
Sokneråda i Bjørgvin